

榴經堂類藁

籀經堂類藁卷第四

晉江陳慶鏞頌南撰

經說

日中見昧解

易昧陸德明經典釋文云徐武蓋反又亾對反微昧之光也字林作昧亾太反云斗杓後星王肅云音昧鄭作昧服虔云日中而昏也子夏傳云昧星之小者馬同辭云輔星也按陸引字林作昧王讀昧下復云鄭作昧則與吕忱王肅同無事別言之鄭作昧與子夏傳昧二字當是从来作昧與吕王从来作昧異轉寫誤耳廣韻昧莫撥切星也引

易日中見昧玉篇昧莫割切星名即鄭作昧之證玉篇又
有兩昧字一音莫潰切冥也昧爽旦也即說文所云昧爽
是也一音莫蓋切明也又斗杓即字林所云斗杓後星是
也說文無昧字釋文職末也說文𦵏或作𦵏春秋隱元年
公及邾儀父盟于蔑公羊穀梁竝作昧文七年晉先蔑奔
秦公羊作昧以聲求之當亦从未作昧非从未作昧疑許
書或漏脫耳

禮于六宗解

六宗自漢以來迄無定論竊謂六宗乃宗禮也虞制宗禮
不可考以周制推之孝經郊祀后稷以配天天謂昊天大

帝即虞之鄴禋于上帝也宗祀文王于明堂以配上帝上帝謂五帝即虞之禋于六宗也五帝東方靈威仰南方赤熛怒西方白招拒北方汁光紀中央含樞紐以其次于昊天大帝故為宗以祀之而以其祖配虞配帝宗堯是時堯尚在仍遵唐制宗帝嚳六宗者配帝及五帝也郊禮於壇無屋宗禮於廟有屋故言宗虞宗在文祖周宗在明堂周書乃單文祖德周末立明堂亦稱文祖也宗為廟祭說文宗尊祖廟也从山从示山謂屋也山注交覆突屋也古者屋四柱東西與南北皆交覆也有堂有室是為深屋自部崑下曰山山不見也示神也古文作𠄎三𠄎日月星也示

在山下依屋以祀神指事知其義也洛誥記功宗臣我宗
多遜愍宗將禮禮記月令天子乃祈來年于天宗皆言宗
禮也皆為有屋以祀之也禮者柴祭之名周禮云以禮祀
祀昊天上帝祭天用禮五帝天類也故亦用禮宗祀之禮
經有明文書禮于文王武王王賓殺禮咸格詩肇禮迄用
有成皆宗禮之禮也說文禮絜祀也一曰精意呂享為禮
籀文从山作𡵓从山則與宗字義合是宗亦以禮為祀也
𡵓與宗皆从山則禮不得專屬之郊矣禮為積柴實牲取
其禮氣上達則禮之為祀帝無疑宗有禮祀則六宗之為
祀五宗及配帝亦無疑以孝經證尚書其義適合解者可

無煩紛紛置喙矣

生民首章魯毛異同解

詩生民據許叔重五經異義詩齊魯韓春秋公羊說聖人皆無父感天而生可知漢以來三家傳授皆無異辭自毛出謂姜嫄為高辛氏妃帝高辛氏帝敏疾因禋祀郊禘高辛氏親行姜嫄從帝後履帝之跡于是齊敬敏速而鬼神歆饗之也鬼神食氣謂之歆劉向列女傳曰姜嫄有邠氏之女也出野見巨人跡好而履之歸而有娠卜筮禋祀以求無子終生子以為不祥而棄之向世習魯詩所傳乃魯說據此則姜嫄為有邠氏女不言某氏妃正聖人無父感

生之說魯說履跡在先禋祀在後與毛兩歧鄭君箋詩宗
毛此獨易傳而以帝指上帝據爾雅敏拇也當郊禘之時
時則有大神之跡姜嫄履其拇指之處歆歆然遂有娠言
履巨跡正與魯合唯禋祀在先履跡在後文略異解姜嫄
不從毛訓亦不從魯訓別以為高辛氏之世妃也蓋謂高
辛傳世子孫之妃觀其駁異義云諸家言感生得無父有
父則不感生皆執偏之論商頌天命元鳥降而生商城簡
狄吞鵠子生契此感生見於經之明文劉媪漢太上皇之
妻感赤龍而生高祖且蒲盧桑蟲煦嫗成為已子矧天之
精氣所感不能使其子賢聖乎則感生之說又不必以有

父無父泥之矣毛說自劉歆班固賈逵服虔王肅皇甫謐
之徒皆以為然魯則齊韓而外河圖中候稷起握契其文
確有可徵要之毛語其常堯舜亦人耳初不信感生之說
使姜嫄非嚳妃稷非嚳子周人何以禘嚳而郊稷禘者禘
其始祖之所自出稷為嚳子故禘之魯語其異聖人之生
天是使獨使姜嫄為嚳妃稷為嚳子則周魯何以特立姜
嫄不聞別立嚳廟詩又何以云即有邶家室故但以有邶
氏之女訓之於經朐合說詩者當以魯為優

子曰有奔奏解

詩奔走陸德明經典釋文奏一本作走劉熙釋名走奏也

促有所奏至也走奏同聲通用說文奏進也从本从扌从
中與𢇛同義奔奏謂服役趨事之徒即詩清廟駿奔走在
廟七百武城駿奔走執豆籩禮大傳執豆籩遠奔走左昭三
十一年傳將奔走之聲義皆合毛解奔走為喻德宣譽以
奏為奏白之奏攷虞書敷奏以言益稷暨益奏庶鮮食偽
孔傳謂進于民詩六月以奏膚公傳奏為也王充論衡作
上書謂之奏文選表題注劾驗政事曰奏尚書大傳御史
奏雞鳴于階下注猶白也廣雅奏書也釋名奏鄒也鄒狹
小之言也奏有言義故毛訓宣喻是讀奏如字鄭箋則謂
奔走使人趨附之趨附猶奔走作轉音讀孔沖遠申其意

而解之曰奔走者此臣能曉喻天下之人以王德宣揚王之聲譽使人知今天下之人皆奔走而歸趨之故曰奔走也則又合本訓次訓兼釋然奔走自屬臣說不屬民說文王聖德虞芮質成自然嚮風何待宣揚聲譽且本文予字訓我若謂我有喻德宣譽之臣殊非聖人語氣觀上下句疏附先後禦侮皆指自臣不應此句獨指自民則詩言猶多士攸服奔走多方今爾奔走之意竝無異解毛詩未出三家詩蓋本作走王逸楚詞章句引詩予聿有奔走文選李善注引同曰聿奏走皆聲同義近是齊魯韓詩本有作走之證而亦有作轉者孔叢子周文胥附奔轉先後禦侮

謂之四鄰以免乎牖里之害伏生解尚書亦作𨔵奏𨔵皆走之段周禮大司馬事𨔵徒趨𨔵疾也是其義也按奔走二字連語段借字亦轉注字說文奔走也从夭賁省聲與走同意走趨也从夭止會意與奔同義石鼓文奔从犬不从天字亦作𨔵从三牛荀子議兵篇𨔵命者不獲注𨔵命謂來歸其命者言疾也漢書司馬相如傳𨔵然興道而遷義又劉葭卉飲凡𨔵𨔵𨔵𨔵𨔵𨔵𨔵𨔵三比之字多迅疾意奔迅而走舒故爾雅釋宮中庭謂之走大路謂之奔中庭狹故言走大路寬故言奔以其行道廣狹名其地曰奔走即以其趨事緩急名其人亦曰奔走奔走執事通稱如之

記報任少卿書太史公牛馬走注走猶僕也後漢書蘇竟傳注走謂馳走之人謙稱也虞詡傳走卒注伍伯之類也是皆奔走之義也奔走假為賁禮有虎賁走假為趣書有趣馬然則奔走自是趨事服役之人不必指為喻德宣譽其義邳崔左傳季武子賦繇之卒章杜注義取文王有四臣以致興盛本大傳四臣謂號叔閔天泰顛南宮括然詩自是泛指四等之臣如股肱心膂耳目之類必求其人以實之則鑿矣走與附後侮皆韻左昭七年走叶僂僂俯侮口莊子列禦寇走叶僂僂俯軌文子道原篇走叶遊則謂走自韻後侮自韻附隔句為叶者猶未考古音之合也

會表解

左昭十一年傳會有表杜注野會設表以為位正義亦當有物記處如今之位版也引觀禮上介奉其君之旂置于宮及周禮大司馬教大閱門立四表又嫌不合大夫之會乃云大夫聚會亦應有以表位但無文以言耳今按古者於野行禮必設表以為位平坦之地無堂階可紀將欲於此習禮儀準步伐非表何以示其趨故表如軍旅田界之表周禮虞人萊所田之野為表百步則一為三表又五十步為一表又曰及表乃止此古人閱軍以表為界之事也左傳襄二十五年傳表澶鹵賈逵注云澶鹵之地九夫為

表國語周語單襄公云周制有之曰列樹以表道禮記郊
特牲饗農及郵表畷散氏槃銘云用大蔽散田迺即散田
用田竟竟自灋洮以南至于大沽一表以降二表又曰表
于單道表于原道表于周道以東表于紆東疆右還表于
竟竟導以南表于卻萊導以西至于堆莫竟竟井邑田此
古人畫田以表為界之事也而朝會之表見國語晉語昔
成王盟諸侯於岐陽置茅莛設望表司馬貞引賈逵云東
茅以表位為莛史記漢書叔孫通傳莛作菴如淳曰菴謂
謂以茅翦樹地為菴位尊卑之次也表說文上衣也从衣
从毛古者衣裘以毛為表裘皮衣也象形蓋表為立木於

地復綴他物於木上有表義軍旅之表以旒田邑之表以
郵而朝會之表以莚皆綴他物以垂象如表衣之義也說
文朝會束茅表位曰莚引國語致茅莚表坐則野會之表
國語顯有明據何謂無文荀子儒效篇後漢書蓋勳馬援
傳注表標也呂覽許注表柱也禮記檀弓內則注表明也
周禮大司馬注表所以識正行列也荀子大略注表標志
也後漢書劉祐注表標準也管子君臣上注表謂以木為
標有所告示也漢書淮南厲王傳注表者樹木為之若柱
形也呂覽不屈云或操表掇以善睇望注表綴儀度此皆
表義也至正義云俗本表下有旗謬也旗當是表注言用

族為表讀者不知誤加正文耳

中離維綱解

大射儀中離維綱綱所以繫戾植者戾有上下綱皆出舌
一尋梓人云上綱與下綱出舌尋絹寸焉其邪制躬舌之
角者為維或曰維當為絹絹綱耳先鄭周禮注絹籠綱者
維持戾者審是則絹以布為之綱與維皆以繩為之維與
絹自是兩物絹籠綱然後以上个下个邊綴著絹兩頭以
綱繫著植維者於上个下个上下躬兩頭皆有角又以小
繩綴角繫著植故矢或離綱或離維也絹綱耳者以絹為
綱耳離著絹也案梓人絹儀禮賈疏引作絹陸德明經典

釋文絹劉戾犬反又於貧反一音古縣反又古犬反周禮
絹字注云音於貧反或尤粉反劉戾犬反一音古犬反據
戾犬古縣古犬字當為絹於貧尤粉字當為絹陸唯不能
定其字與音故並引之說文絹持網紐也引周禮絹寸廣
韻絹為贛切繩紐玉篇絹維持繩紐細者則儀禮鄭注賈
疏絹字並當作絹轉寫訛謬沿襲不察耳網耳當為網紐
宗廟之事如會同端章甫解

論語宗廟之事如會同鄭注宗廟之事謂祭祀也諸侯時
見曰會衆類曰同按玉藻諸侯元端以祭鄭讀端為冕是
諸侯祭服用冕禮大夫冕而祭於公士弁而祭於公祀而

祭於已是卿大夫助祭亦用冕士助祭用弁未有端章甫者且宗廟祭祀凡在廟助祭無非相禮未有特設一官而謂之相更未有小相之名周禮左傳凡言相皆會同之相也時解謂會同行於宗廟故用如字以貫之宗廟之事非宗廟之祭說似直截然猶未合古禮據儀禮覲禮諸侯覲於天子為宮方三百步四門壇十有二尋深四尺加方明於其上會同築壇當在郊不在廟如何得行於廟中竊謂時見殷見皆諸侯見於天子是為大會同故在郊若兩君相見祇諸侯自相見是為小會同則在廟兩君相見禮有專條左襄四年傳文王兩君相見之樂也杜注即以諸侯

會同解兩君相見觀下文宗廟會同非諸侯而何自指諸侯會同說會同於天子用冕服而自相會同則降而服皮弁服鄭注司服諸侯自相朝聘皆皮弁服鄭蓋以聘禮推之聘禮卿出聘服皮弁以容禮見亦以軍禮見兩君相見禮從同故知其為服皮弁也君服皮弁則其擯介必降君一等服朝服禮冕服為上皮弁次之朝服又次之元端為下公西華言端章甫端即朝服謂端為元端服者非也周禮司服元端鄭注云端取其正也士衣袂皆二尺二寸而屬幅廣袤等也廣袤等故謂之端不知朝祭之服衣袂皆二尺二寸皆有端名不獨元端服為然樂記端冕而聽古

樂是冕服名端也左傳晏平仲端委立於虎門之外是朝服名端也兩君相見服皮弁相君者降一等自是服朝服若元端則與朝服迥異朝服緇衣元端則元衣朝服素韠元端則爵韠朝服白屨元端則黑屨朝服大夫以上其冠皆委貌唯士元冠故少牢饋食禮朝服不言元冠士冠禮朝服必言元冠元端則自天子諸侯以至士純用元冠無委貌章甫即周之委貌實弁而非冠則為大夫以上之朝服而非士以下之元端服元端為士之常服禮服之最下乃天子諸侯亦用之者以其色元用為齊服故郊特牲云齋之元也以幽陰思也幽陰故用元衣元冠有初元之義

玉藻亦云元冠諸侯之齊冠也諸侯齊冠用元冠則天子齊冠亦用元冠可知士元端亦元冠無章甫亦明言章甫正不得以服用元端冠用章甫自亂其例若會同於天子則自君以至擯介皆用冕亦無章甫覲禮侯氏裨冕天子袞冕周書王會解天子南面立纔無繁露相者太史魚大行人皆纔有繁露是擯介皆用冕之證周官司服云孤之服自希冕而下如子男之服卿大夫之服自元冕而下如孤之服鄭云自公之袞冕及卿大夫之元冕皆其朝聘天子及助祭之服夫卿大夫朝聘於天子用冕服則其從君而朝亦必用冕服若有孤之國孤為上介服希冕無孤之

曰卿爲上介服元冕冕服所以尊天子也以此推之兩
視見君服皮弁則臣亦當服皮弁乃臣從君於王朝得與
君同服冕而贊相兩君之會不得與君同服皮弁者以冕
服有差等而皮弁服無別不得不降而從朝服以避尊也
且章甫亦弁製雖不得與君同皮弁而亦與君同戴弁是
猶司冕服之義也章甫自是上介服而赤言小相者謙退
不敢質言耳客君之相如此則主君之相亦如此所謂端
章甫者其爲兩君擯相之服無疑矣春秋時會同天子盛
典久不行所言皆諸侯自相會左定四年經公會劉子晉
侯宋公蔡侯衛侯陳子鄭伯許男曹伯莒子邾子頓子胡

子滕子辭伯杞伯小邾子齊國夏于召陵五月公及諸侯盟于皋鼬傳衛子行敬子言於靈公曰會同難嘖有煩言即以十餘君聚會為會同則兩君相見亦稱會同其禮一也赤言志自即舉時事言若會同於天子其禮有四一是王將有征伐會一方之諸侯大行人所謂時會以發四方之禁是也一是王不巡狩四方諸侯皆會京師大行人所謂殷同以施天下之政是也此二者皆行於竟內者也是一是王不巡狩諸侯會于方岳書所謂王乃時巡諸侯各朝于方岳是也一是王不巡狩而殷國諸侯畢會于近畿若周王會諸侯於東都詩所謂會同有繹是也此二者皆行

於竟外者也其相皆大宗伯主之周禮大宗伯朝覲會同則為上相鄭注云相詔王禮職雖主於相王而亦以相侯氏覲禮云侯氏坐取圭升致命王受之玉侯氏降階東北面再拜稽首擯者延之曰升升成拜此擯者即大宗伯也下云公侯伯子男皆就其旂而立四傳擯此擯亦天子之擯也周官司儀言會同之禮有云詔王儀南鄉見諸侯土揖庶姓時揖異姓天揖同姓及其擯之各以其禮公於上等侯伯於中等子男於下等所謂四傳擯也相諸侯之相即相天子之相諸侯未嘗別立相雖各有介亦不過奉其旂置于宮而已其在四時常朝公介九人侯伯七人子男

五人亦不過立於門外傳命而已非贊禮之相也赤束帶立朝可與賓客言自是兩君相見之相非會同天子之相使赤而願為天子之相夫子幾何而不見哂乎

釋必

考工記玉人之事天子圭中必鄭注必讀如鹿車絳之絳謂以組約其中央為執之以備失隊方言車下鉞陳宋淮楚之間謂之畢大者謂之綦注云鹿車也據此則必絳畢三字同既夕記冠六升外絳謂縫著於武也言縫紵而約束之與中必之義亦同則方言之鉞當為紵

釋搢

大射儀播三挾一个注云播扱也夏官田僕凡田王提馬
新侯晉注云晉猶抑也案播晉義同抑馬猶言收馬扱亦
收也扱矢猶言收矢

釋掃

詩象之掃也廣韻从木作掃云掃枝整髮釵也釋名簪枝
也晉書輿服志皮弁象玉卽注云卽冠下抵也象骨為之
音帝據此則掃卽抵同音同義宋玉風賦卽茅葉而振氣
史記河渠書西卽銖口皆以卽為抵是抵卽通用之證案
說文無掃手部撻搔也搔抵也撻絜也髻絜髮也髀骨撻
之可會髮者詩贈弁如星撻搔為會髮絜髮之具掃當是

摘之異文

釋鑿

說文鑿金聲也讀若春秋傳鑿而乘它車按鑿與鑿兩字
兩義許云讀若從其聲不從其訓今左傳昭廿六年文鑿
作鑿當本作鑿後人轉寫譌從金玉篇鑿一足行貌廣韻
鑿一足跳行正與博義合杜注鑿一足行訓本不誤唯依
傳作鑿未能是正乃正義引說文鑿金聲也蓋鑿金為聲
亦名鑿以鑿訓移作鑿訓其失愈遠今說文闕鑿字蓋即
脛之異文字或作脛細尋傳文苑子荆林雍斷其足鑿而
乘於他車以歸言林雍旣斷足乃以脛築地而行故謂之

脛至張參五經文字云鑿金聲也又一足行貌是又併鑿
鑿為一字其誤與正義同

釋豐

大射儀膳尊兩甌在南有豐鄭注豐以承尊也其為字從
豆豐聲豐聲當為曲聲賈疏此謂上聲下形之字年和穀
豆多從豆為形也豐者承尊之器象形也是以曲年之字
豐下著豆今案豐从豆為俎豆之豆賈言穀豆非是豐者
承尊之器豐當作曲曲年之字豐下著豆上曲當作豐下
豐當作曲蓋轉寫互易致讀者不能解承尊之豐本作曲
經典借豐為曲豐行而曲廢古瓦頭禪文有𠂔字即古文

豐也說文豐古文作豐則承尊之器辨為古文曲為小篆
鄭言其形云似豆卑而大說者以為若井鹿盧言其用於
鄉射云所以承爵也於大射云以承尊也則公食大夫之
豐亦當是承爵燕禮之豐亦當是承尊各就其篇之文釋
之豐从辨與豐从拜字異豐當是辨聲而山象形豐當是
辨聲而山象形一从艸盛之丰一從艸蔡之丰也

釋櫨

說文櫨秦名屋櫨聯也齊謂之檐楚謂之栢聘禮公當櫨
再拜注云櫨謂之梁鄉飲酒禮主人阼階上當櫨北面再
拜注云櫨前梁也鄉射記序則物當棟堂則物當櫨注云

是制五架之屋也正中曰棟次曰楹前曰殿按禮經諸榑乃許書楣字義非楹字義許云楣門樞之橫梁爾雅釋宮楣謂之梁郭注門戶上橫梁郭所釋亦楣義非楹義釋文楣𠂔悲反或作楣𠂔報反埤蒼云梁也呂伯雍云門戶之橫梁也說文曰楣秦名屋櫺聯也陸引埤蒼字林以釋楣復引說文以釋楣明楣楹異義爾雅之楣當為楣則禮經諸楣亦並當作楣

釋應音

應本音於陵切轉音為於證切廣韻十六蒸應當也又姓出南頓本自周武王後左傳曰邢晉應韓武之穆也漢有

應曜隱於淮陽山中與四皓俱徵曜獨不至時人語之曰
南山四皓不如淮陽一老曜八代孫劭集解漢書四十七
證應物相應也說文作應當也集韻十六蒸應下云說文
當也从心雍省聲徐曰雍應字也又料度之辭唐詩應須
祇應皆辭也又國名括地志故應城因應山為名在汝州
葉縣又姓出南頓通作膺書誕膺天命注當也二十五經
應下云答也又當也又樂名周禮笙師應樂注應長六尺
五寸象柷有椎連底左右相擊以應柷樂書云應樂猶應
之應物其發也小故小鼓小春謂之應所以應大也小彈
曰應鼓又天子之門曰應門詩迺立應門注正門也又州

名雁門地唐置應州禮部韻略十六蒸應於陵切當也詩
我應受之四十七證應於證切釋云和也審此則應當之
應平讀亦可仄讀應姓之應有平讀無仄讀應對之應有
仄讀無平讀國名之應當平讀州名之應當仄讀樂名門
名亦皆仄讀陸德明經典釋文於左襄十二年傳應韓句
不釋而凡弗應徵應等語必詳釋之曰應對之應孫恂李
舟各切韻亦止切於陵不切於證知平讀為本音仄讀乃
其轉音故不加切又漢書應奉傳章懷太子賢於此字不
別為釋音亦以應本平讀無庸釋也

易林引詩考

易林者漢焦延壽作也延壽字贛梁人少從孟喜問業得
陰陽之學其說長於災變分六十四卦更直日用事呂風
雨寒暑為候各有占驗其所引詩與齊詩多發明蓋齊詩
參緯數而贛善陰陽故言齊詩必徵之今即以其所引者
條列如左晉之同人曰貞鳥鳴鳩執一無尤寢門怡理君
子悅喜是即關雎之詩也履詞曰鳴鳩淑女翌賢配偶是
即君子好逑也大有之謙曰葛生衍蔓締綌為願是即葛
覃之詩也鼎之乾曰傾筐卷耳乾之革曰元黃隤隤行者
勞疲是皆即卷耳之詩也困之觀曰桃夭少華婚悅其家
是即桃夭之詩也坤之困曰兔置之容不失其恭是即兔

置之詩也萃之漸曰喬木無息漢女難得是卽喬木之詩也兌之噬嗑曰南循汝水伐樹斬枝過時不遇怒如周飢是卽汝墳之詩也豫之晉曰鵲巢柳樹鳩奪其處是卽鵲巢之詩也困之隨曰筐筥錡釜是卽采蘋之詩也旅之解曰甘棠聽訟昭然蒙恩大過之需曰鸞鳥以庇召伯避暑是皆卽甘棠之詩也大壯之姤曰行露反言出爭我訟未濟之損曰厭挹晨夜道多湛露是皆卽行露之詩也謙之離曰羔羊皮革君子朝服是卽羔羊之詩也大過之夬曰旁多小星三五在東是卽小星之詩也屯之乾曰汎汎柏舟流行不休是卽邶風柏舟之詩也觀之益曰黃裏綠衣

若服不宜是卽綠衣之詩也恆之坤曰差池其羽頡頏上
下是卽燕燕之詩也升之革曰日居月諸遇暗不明是卽
日月之詩也頤之井曰終風東西南散渙四分是卽終風之
詩也家人之同人曰擊鼓合戰是卽擊鼓之詩也豫詞曰
冰將泮散鳴雁嗶嗶是卽匏有苦葉之詩也小畜之謙曰
式微式微是卽式微之詩也小畜之睽曰左手執籥公言
錫爵是卽簡兮之詩也歸妹之蠱曰旄邱新臺悔往歎息
是卽旄邱新臺之詩也晉之否曰北風寒涼雨雪盈冰是
卽北風之詩也同人之隨曰季姬躊躇待孟城隅終日至
暮不見齊侯是卽靜女之詩也小過之小畜曰牆茨之言

三世不安是卽牆有茨之詩也蠱之謙曰采唐沫鄉徼期
桑中是卽桑中之詩也履之渙曰鶉尾奔奔是卽鶉之奔
奔之詩也恆之鼎曰駉牝龍身日取三千是卽定之方中
之詩也蠱之復曰蠃螬充側佞人傾惑是卽蠃螬之詩也
師之隨曰干旄旌旗撫幟在郊是卽干旄之詩也蒙之困
曰氓伯以婚抱布自媒夫之兌曰以繒易絲抱布自媒坤
之井曰不見復關履之際嗑曰桑方將落殞其黃葉是皆
卽氓之詩也節之遯曰伯去我東首髮如蓬家人之小畜
曰杲杲白日昃皆卽伯兮之詩也師之睽曰清人高子夕
屯外野是卽清人之詩也豐之艮曰雞鳴同興思配無家

執佩持鳧莫使致之是卽鄭風雞鳴之詩也蠱之比曰不見子都鄭人心傷是卽山有扶蘇之詩也損之大畜曰狡童而爭亂我政事是卽狡童之詩也蹇之師曰蹇衣涉河是卽蹇裳之詩也賁之鼎曰東門之墀茹蘆在坂禮義不行使我心反是卽東門之墀之詩也因之大壯曰摻摻女手紡績善織是卽葛履之詩也姤之訟曰雞鳴失時民僞勞苦是卽齊風雞鳴之詩也旣濟之旅曰衣裳顛倒是卽東方未明之詩也坤之履曰敝筍在梁魴逸不禁晉之恆曰敝筍在梁不能得魚是皆卽敝筍之詩也因之訟曰襄送季女至於蒹道齊子旦夕留連久處是卽載驅之詩也

泰之否曰陟岵望母役事不已王事靡盬不得相保是卽
陟岵之詩也萃之乾曰碩鼠四足飛不上屋是卽碩鼠之
詩也謙之坎曰縣貆素飧食非其任是卽伐檀之詩也否
之師曰揚水潛鑿使石潔白是卽揚之水之詩也泰之萃
曰羔衣豹裘高易我家鼎之大有曰羔裘豹祛高易我宇
是皆卽羔裘之詩也師之中孚曰葛藟蒙棘華不得實是
卽葛生之詩也遯之益曰五稊解墮是卽小戎之詩也萃
之小畜曰子車鍼虎善人危殆困之大壯曰子與失勞黃
鳥哀作是皆卽黃鳥之詩也大壯之震曰晨風文翰大舉
就溫是卽晨風之詩也復之咸曰齊姜宋子婚姻孔嘉是

卽衡門之詩也大畜詞曰配合相迎利之四鄉昏以爲期
明星煌煌是卽東門之揚之詩也乾之蒙曰鵠鵠鵠鵠專
一無尤夬之家人曰鳴鳩七子均而不殆是皆卽鳴鳩之
詩也蠱之歸妹曰下泉苞稂賁之姤曰荀伯遇時憂念周
京是皆卽下泉之詩也旣濟之臨曰莎雞振羽爲季門戶
同人之大過曰春日載陽訟之鼎曰斯饗羔羊晉之歸妹
曰獻酬大雅是皆卽七月之詩也否之蠱曰鵠鵠破斧大
畜之蹇曰綏德安家周公勤勞噬嗑之渙曰桃雀竊脂巢
於小枝搖動不安爲風所吹是皆卽鵠鵠之詩也家人之
頤曰東山辭家處婦思夫伊威盈室長股羸戶是卽東山

之詩也師之晉曰鴻飛遵陸公出不復是卽九戩之詩也
益之恆明夷之蹇並曰鹿得美草嗚呼其友升之乾曰白
鹿嗚呦呼其老少嘉彼茂草樂我君子是皆卽鹿鳴之詩
也旅之漸曰蟋蟀四牡思念父母王事靡盬不我安處是
卽四牡之詩也震之漸曰出於幽谷飛上高木同人之坎
曰出于幽谷飛上喬木是皆卽喬木之詩也復之蠱曰雨
雪載塗咸之渙曰采薇出車魚麗思初是卽采薇出車及
魚麗諸詩也家人之泰曰南有嘉魚駕黃出鱗是卽南有
嘉魚之詩也恆之蹇曰蓼蕭瀼瀼君子龍光鳴鸞雍雍福
祿來同是卽蓼蕭之詩也咸之剝曰玃狁匪茹侵鎬及方

未濟之睽曰獫狁匪度治兵焦穫伐鎬及方與周爭彊坤
之小過曰飲御諸友賁之頤曰魚鼈膾鯉是皆卽六月之
詩也離之坎曰六月采芑征伐無道張仲方叔尅勝飲酒
是卽采芑之詩也復之晉曰營城洛邑周公所作是卽車
攻之詩也履之夬曰吉日車攻田弋獲禽宣王飲酒以樂
家功解之同人曰鳴鸞四牡駕出行狩合格有獲獻公飲
酒是皆卽吉日之詩也頤之損曰庭燎夜明追古傷今是
卽庭燎之詩也師之艮曰鶴鳴九臯避世隱居是卽鶴鳴
之詩也明夷詞曰他山之錯是卽他山之石可以為錯也
小過之離曰爪牙之夫怨毒祈父轉憂與已傷不及母是

卽祈父之詩也坤之巽曰白駒生芻是卽白駒之詩也乾之坎曰黃鳥來集旣嫁不答念我父兄思復邦國是卽黃鳥之詩也乾之坎曰黃鳥來萃巽之豫曰黃鳥來蓄是卽我行其野之采芣采芣也困之姤曰東南其戶風雨不處是卽斯干之詩也晉之蹇曰正月繁霜坤之師曰謂天蓋高威之无妄曰昏姻孔云是皆卽正月之詩也明夷之比曰深谷為陵井之大有曰皇甫司徒使君失家是卽十月之交之詩也蒙之革曰南山昊天刺政閔時是卽雨無正之詩也晉詞曰桑扈竊脂啄粟不宜小畜之大過曰中原有藪以待饗食是皆卽小苑之詩也中孚之井曰尹氏伯

奇父子相離是卽小弁之詩也恆之民曰南山昊天刺政
閔身是卽巧言之詩也復之免曰杼柚空虛家去其室是
卽大東之詩也井之大有曰大興多塵小人傷賢是卽無
將大車之詩也睽詞曰倉盈庾億宜稼黍稷兌之咸曰神
嗜飲食使君壽考是皆卽楚茨之詩也小過之漸曰中田
有廬騷場有衣獻進皇祖曾孫壽考是卽信南山之詩也
豫之困曰青蠅集蕃君子信讒是卽青蠅之詩也家人之
小過曰老馬無駒是卽角弓之詩也中孚之訟曰牂羊肥
首君子不飽是卽荅之華之詩也蒙詞曰何艸不黃是卽
何艸不黃之詩也大壯之隨曰有革季女為王后妃是卽

絲女維華也晉之歸妹曰禮讓不興虞芮爭訟是卽絲之
詩也損之巽曰太姒文母乃生聖子昌發受命為天下主
是卽思齊之詩也升之節曰靈臺歡賞膠鼓作人夬之頤
曰二室靈臺文所止遊是皆卽靈臺之詩也大有之離曰
鳧鷖遊涇福祿來成渙之節曰公戶侑食福祿來處是皆
卽鳧鷖之詩也升之泰曰公劉之居太王所業家人之臨
曰節情省欲賦斂有度家給人足公劉以富是皆卽公劉
之詩也觀之謙曰高岡鳳凰朝陽梧桐嘒嘒喈喈蓁蓁萋
萋是卽卷阿之詩也大有之節曰螟蟲為賊害我稼穡是
卽桑柔之詩也井之豐曰旱魃為虐小畜之中孚曰魃為

燔瘞是皆卽雲漢之詩也大壯之兌曰嵩高岱宗峻直且
補是卽崧高之詩也井之需曰大夫祈父無地不涉為吾
相土莫如韓樂是卽韓奕之詩也觀之益曰去辛就蓼毒
愈苦甚是卽小毖之詩也益之晉曰鱣鮪鰻鯉多饒所有
損之乾曰鯉鮪鰻鰾積福多魚是卽潛之詩也因之節曰
日就月將昭明有功是卽敬之之詩也比之噬嗑曰元龜
象齒寶貝南金升之中孚曰元龜象齒大賂為寶是皆卽
泮水之詩也震之比曰耄老駘背是卽閟宮之詩也晉之
剝曰天命元鳥降生大商造定四表享國久長是卽元鳥
之詩也復之革曰天祚禹德命興湯國被社釁鼓以除民

疾是卽殷武之詩也而慙如周飢易林一作餒如旦飢按
韓詩詁作朝說文朝旦也則旦與朝通雄狐綏綏易林一
作雄狐唯唯按王伯厚詩攷引齊詩綏作久唯與久綏聲
並同其葉牂牂易林作華葉鏘鏘聲亦同魴鱖甫甫易林
作魴鱖詡詡躍躍鼃鼃易林作狡兔趯趯甫詡躍趯皆聲
相近言至于漕左傳作曹易林衛侯廬曹則曹為正車鄰
易林作韓漢書地理志引魯詩亦作韓則齊詩當與魯同
也江有沱易林一作沱東門之墀易林本作壇沱壇皆正
字既有肥牡以速諸舅易林大壯肥特惠我諸舅牡作特
則齊詩或為特齊詩章句騶虞掌鳥獸官易林陳力就列

騶虞悅喜騶虞為官名故能悅喜說正與齊詩合為下國
駿厖齊詩作為下國駿驪謂馬也易林異國他土出良駿
馬亦與齊詩合鉤稽而條攷之異文異義皆關古訓之存
卽一二之涉於詩者尋求玩索亦無不可為三百篇立於
則易林一書不獨有功於易并且有功於詩而豈徒為卜
筮設哉

播經堂類藁卷第四

籀經堂類藁卷第五

晉江陳慶鏞頌南撰

經說

石經攷異補上

孟蜀石經周禮殘碑

玉人

子守穀壁男守蒲壁不言之者闕耳石經不上有男字
文之闕亂存焉石經焉作也

名玉曰冒者石經無者字

四寸者方以卑接尊石徑作四寸者方以奇卑接尊

花謂襍色石經下有也字

瓚讀為饗饗之饗石經為作如

卑者下尊石經尊下有者字

遂言見天子之用贄石經作遂言見天子之贄也

謂以組約其中央為執之以備失隊石經無謂字隊作
墜

郊天所以禮其神也石經禮作祀

四圭有邸以祀天旅上帝石經帝下有也字

終葵椎也為椎於其杼上石經椎皆作推

杼桴也石經桴作殺

明自炤石經作明自照也

致日度景至不石經度下有日字

射琰出者也石經作射琰之出者也

元謂勾鼻流也石經同阮本勾鼻作鼻勾

衡古文作橫石經同阮本無作字

形如圭瓚石經圭作玉

半文飾也石經半下有其字

大璋者以大璋之文飾之也亦如之者如邊璋七寸射
四寸石經以大璋者以大璋之文飾飾之亦如之者邊
璋七寸射四寸也

先言牙璋有文飾也石經下無也字

以為稱錘以起量石經下有也字

射其外駟牙石經下有也字

有邸儻其本也石經邸作祗

獻於所朝聘君之夫人也石經無也字

夫人天子夫人石經下有也字

記時諸侯稱王石經同阮本侯下有儻字

則十有二列者勞王之後也石經無有字

棗栗實於器乃加於案石經於皆作于

其實棗栗擇石經栗作栗

郅射剡而出也石經郅射剡而出也

造賓客納廩食也石經作造客客納餼食六字

杜子春云當為餼石經餼下有也字

磬氏

磬氏為磬石經氏作人

而求其弦石經而求其是弦

既而以一炬有半觸其弦觸其弦石經同阮本無下三字
非用其度耳石經耳作也

博謂股博也石經博作傳

股磬之上大者鼓其下小者所當擊者也石經作股磬

太上則摩鑪大者鼓其下小者所當擊者

假令磬股廣四寸半石經無股字

長一尺三寸半石經同阮本無一字

鼓聲太上則摩鑪其旁石經同阮本鼓作磬是

薄而廣則濁石經作薄而廣則聲濁

矢人

司弓矢職第當為殺石經職下有曰字

居參分殺一以前石經作居參分殺二以前

兵矢謂枉矢繫矢也此二矢亦可以田田矢謂矰矢石
經兵矢謂枉矢繫矢田矢謂矰矢此二者亦可以田也

綱矢七分石經綱作殺

鐵又差短小也司弓矢職綱當為第石經作鐵又以差短小也司弓矢曰殺當為第

而綱其一石經綱作殺

令趣鏃也石經作令趨鏃也

羽者六寸石經羽其六寸

謂矢幹石經下有也字

弩矢比在上下石經下下有也字

謂風不能驚憚箭也石經無也字

刃長寸脫二字石經下有也字

前弱則僥石經僥作勉

後弱則翔石經翔作翔

羽豐則遞石經遞作遞

使矢行不正僥低也石經作使矢行不正免作僥低也

十字

橈榻其幹石經榻作榻

欲臬欲其色如臬也石經臬皆作栗

陶人

甌無底甌石經下有也字

則甌受斗二升石經無受字

瓶人

辟讀為藥黃藥之藥石經同阮本藥作藥

暴墳起不堅緻也石經墳作憤

討膊其側石經作樹膊於其側

縣縣繩正豆之柄石經作縣縣繩以正豆之柄

凡器高於此石經凡作瓦

梓人

樂器所縣橫曰筭石經縣下有也字筭作筍

鄭司農云筭讀為竹筍之筍石經筭作筍

脂牛羊屬膏豕屬羸者謂虎豹貔羆為獸淺毛者之屬

羽鳥屬鱗龍蛇之屬石經屬下皆有也字無雨之字
致美味也石經無也字

貴野聲也石經無也字

刻畫祭器石經上有雕琢二字

外骨龜屬內骨蟹屬卻行蟻行之屬反行蟹屬連行魚
屬紆行蛇屬脰鳴蜃屬注鳴精列屬旁鳴蜎蜎屬翼
鳴發皇屬股鳴蚣蜩動股屬胃鳴榮原屬石經屬下皆
有也字衍下無之字蛇作蛇列作蜃原作蜎

蜎讀為哨頤小也石經作蜎為哨哨頤小也七字

宏讀為紘紘之紘謂聲音大也石經作宏讀為紘延之

絃大也十字

其聲清陽而遠聞於磬宜石經聞下有則字

顧長胗貌石經下有也字下兩鬣字石經作鬣

猓讀為鬣頭無髮之鬣石經作猓讀為鬣頭無髮之鬣
作起也石經作作猶起也

匪采貌也石經作匪來貌也

故書撥作廢匪作飛石經匪下有或字

以似為發石經發作廢

梓人為飲器

觚豆字聲之誤石經下有也字

衡謂縻衡也石經同阮本縻作縻

執君器齊衡石經作執君之器則平衡
罪於梓人焉石經作罪梓人也

梓人為侯

崇高也石經作崇猶高也

則天子侯中丈八尺石經下有也字

各如其侯也石經無也字

居侯中參分之一石經作居中參分之一

个讀若齊人擯幹之幹石經擯下有公字

皆謂舌也石經謂作為

鄉射禮記曰石經無禮字

下个五丈四尺石經作下个五丈四寸也

其制身夾中个夾身石經作其制身矣夾中个矣身案
下矣字當是夾之訛

取其出而左右也石經無而字

續讀為竹中皮之續石經作讀為竹中皮之續也無上
續字多也字

皮侯以皮所飾之侯石經下有也字

與之事鬼神焉石經焉作也

又以五采畫雲氣焉石經無焉字

獸侯畫獸之侯也石經無也字

是獸侯之差也石經無也字

息者休農息老物也石經農下有夫字

燕謂勞使臣石經燕下有諸侯二字

若與羣臣飲酒而射石經下有也字

謂司馬實爵而獻獲者于侯石經無而字

薦脯臚折俎獲者執以祭侯石經作薦脯臚折俎者執

以祭侯也

謂先有功德其鬼有神石經作謂先祖有功德其鬼有神者也或有也石經作武猶有也

曾孫諸侯謂女後世為諸侯者石經作曾孫諸侯子孫
謂女後世為諸侯者

廬人

夷矛三尋石經作矛夷三尋

會夷長短名石經下有也字

箇之言適也箇近夷長矣石經作會之言適也適近也
夷長也而無已不徒止耳石經作無已不徒止爾爾也
句兵戈戟屬刺兵矛屬石經屬下皆有也字

絹讀為帽邑之帽帽略撓也石經作絹讀為帽若井帽
帽謂撓也

則棹隋園也搏園也石經作則棹隨園也搏園之也
改句言數容受無及同強上下同也舉謂手所操石經
作改句言擊容受也受無及同強強弱上下同也舉謂
手所操也二十四字

校讀為絞而婉之絞石經作校謂讀為絞而婉之之絞
在手中者石經者作也

侵之能敵也石經能下有侵字

人手操細以數則疾石經作凡人手操細以擊則疾

然則為矜石經矜作矜闕筆下同

被把中也石經把作把

肯受上鐫也石經肯作箇

夷矛如箇矛石經作矛夷如箇矛也

置猶封也夷猶柱也石經作置猶樹也亦猶柱也

正於牆牆登石經下有也字

反覆猶軒輶也石經無也字

匠人

立王國若邦國石經下有者字

以水望其高下石經下有也字

絜當為弋讀為杙石經作絜當弋弋讀曰杙

立謂絜古文臬石經脫上一字

古文臬假借字石經下有也字

眡之以其景石經無之字

在牆者謂之杙在地者謂之臬石經無兩者字

日出者入之景其端則東西正也石經作日出入之景其端則東西正之也

以至日入石經上有而字

規之交乃審也石經作規之交者乃其審也

中屈之以指臬則南北正石經作中屈之指臬則南北之正也

極星謂北辰石經下有也字

營謂丈尺其大小石經作營者謂丈尺其大小也
國中城內也石經內作中

軌謂轍廣石經下有也字

是謂轍廣石經作是為轍廣也

王宮所居也祖宗廟面猶鄉也王宮當中經之涂也石
經作謂王宮所居也祖宗廟也面鄉也王宮當中經之
涂

此用先王之禮石經下有也字

一則堂廣十七步半石經下有也字

南面三三面各二石經作南面三三面各三也

兩夾窻石經窻作窻

窻助戶為明每室四戶八窻石經作窻助戶為明者每室四戶八窻

所以飾成宮室石經下有也字

門堂門側之堂石經下有也字

東西十一步四尺石經作東西十步四尺

若大寢也石經也作者

則其廣九尋七丈二尺也石經無也字

四阿若今四柱屋石經作四阿若今四柱也

重屋複簷也石經屋作室

明堂者明政教之堂石經作明堂明政教之堂也
亦王者相改石經下有也字

相參之數石經下有也字

或舉王寢石經作或舉正寢

互言之以明其同制石經無言字

周文者各因物宜為之數石經者作王

宮中舉謂四壁之內石經同阮本宮作室

參个六尺石經參作三

乘車廣六尺六寸五个三丈三尺石經作乘車廣六尺
六寸長二尺三寸个六尺六寸五个三丈三尺也

則此門半之丈六尺五寸石經作則此門之長六尺五寸

如今朝堂諸曹治事處石經下有也字

六卿三孤為九卿石經下有也字

九分其國分國之職也石經無也字

六卿治六官之屬石經作六卿治六官之職屬矣

謂有浮思也石經同阮本有作角

度高為高度廣以廣石經作廣長以長度高以高度廣

王子弟所封石經下有也字

其城隅高五丈石經作其城隅制高五丈

諸侯畿以外也石經作諸侯侯畿以外也

天子諸侯臺門石經下有也字

經亦謂城中道石經下有也字

其經涂及都環涂石經作及都之環涂

古者耜一金兩人併發之石經作古者耜一金人兩人併發之 岐頭兩金石經岐作歧

田一夫之所佃石經作田有一夫之所佃也

百畝方百步也石經無百字

遂者夫間小溝遂上亦有徑石經溝下徑下皆有也字

此畿內采地之制石經采作菜下有也字

九夫為井井者方一里石經作九夫為井者方一里
采地制井田石經采作菜下有者字

異於鄉遂及公邑石經下有也字

方百里為同同中容四都石經無下同字

甸稍縣都皆無過十二石經十作什

輕近重遠耳石經近下有而字

滕文問為國於孟子石經作滕文公問為國之禮於孟
子

其實皆什一石經下有也字

莫不善於貢貢者校數歲之中以為常石經作莫不善

於貢者貢者校數歲之中以為常也

孟子曰請野九一而訪石經作孟子曰井諸野九一而
訪卿以下石經以作已方里而井井九百畝石經
無下井字八家皆私百畝石經百作自

又曰詩云雨我公田石經作又詩曰雨我公田
雖周亦訪也石經作雖周亦有訪也

年饑用不足石經饑作飢盍徹與石經與作乎
穀出不過藉石經藉作籍

以載師職及司馬法論之石經師下有之字

周制畿內石經制下有之字

稅夫無公田石經下有也字

以詩春秋論語孟子論之石經作以詩春秋論語孟子之言 周制邦國用殷之助法石經助作訪

制公田不稅夫石經下有也字

訪者借民之力以治公田石經作訪者借民力治公田為其促之以公使不得恤其私石經作為其促之也以公使不得恤其私也

邦國用訪法者石經邦上有其字

諸侯專一國之政石經諸上有為字

稅民無斂石經下有也字

通其率以什一為正石經下有也字

孟子云野九夫而稅一國中什一是邦國亦異外內之法耳石經作孟子曰野九夫之田而稅一國中什一為是也邦國亦異外內之之法耳按之字疑衍圭之言珪絜也石經作圭之言佳也

周謂之士田石經士作土

又曰列國一同石經下有是也二字

復無所注入石經下有也字

識水所從出石經下有矣字

通其壅塞石經無其字

防謂脉理石經作防猶脉理也

為此逆防與不理孫也石經無也字孫作遜

鄭司農云梢讀為桑螵蛸之蛸石經無云字

梢謂水激齧之溝七字石經謂水激齧溝也六字

鄭司農云奠讀為停謂行停水石經停皆作滯

直行三折行五以引水者疾焉石經作直行者三折行者五以引水疾也

謂水淤泥土留著助之為厚石經水下有激字厚下有也字 殺者薄其上石經下有也字 又薄其上厚其下石經下有也字

溝防為溝為防也石經無也字

里讀為已石經作里當為已

版橈築之則上鼓土不堅矣石經作汲橈築之則鼓土不堅矣 以其一為峻石經作以其一為之峻也

逆猶卻也石經卻作却

卻一分以為綱石經作却一分以為殺也

圉園倉石經下有也字

石經攷異補下

孟蜀石經公羊殘碑

桓六年

淫乎蒸石經乎作于

七年

加之者辟寔國也石經寔作實

八年

薦尚韭卵石經卵作卵譌

故曰祠國以別死生石經作故曰祠國以別死生

薦尚麥魚石經同阮本魚作苗

始熟可禘石經作麥始熟可禘

殷人先求諸陽石經殷作殷缺筆下同

黷則不敬石經敬作敬缺筆下同

然後卒大夫也石經同阮本後作后

十年

近乎國也石經國作圉案注幾與圉無異則作圉為是
當戮力拒之石經戮作勑

十一年

稱愈於國之亡石經稱作猶案疏猶愈於國之亡也則
作猶是後有安天下之功石經同阮本後作后

宋不稱公者脅鄭之纂首惡當誅石經作宋不稱公者
脅鄭立纂首惡當誅

突當國本當言鄭突石經同阮本下當字作常按校勘

記云鄂本亦作當則當字為正

外未能結歟諸侯石經歟作助

則與諸侯改伯從子辭同石經作則與春秋改伯從子
辭同 蔡侯稱叔者石經無侯字 故後王起石經同
阮本後作后

十二年

與鄭人戰于宋地石經于作於

十三年

有尊卑上下次第行伍石經第作第

必出萬死而不奔此故以自敗為名石經作不出萬死

而不奔北故以自敗為名案北屬上句讀

十四年

御廩災石經災作災下同

十五年

小國例時也石經無也字

馮柳東孟蜀石經攷異有毛詩殘碑左傳殘碑而周禮公羊皆未之見攷諸著錄其書周禮者孫朋吉也三傳不誌何人書悉遵太和本與唐版本時有異同其相母昭裔獨辨之刊石成都始於廣政元年麻八年而以次告成春秋三傳至宋皇祐元年始訖工晁氏曰周禮經文不同者四

十二科公羊經文不同者二十一科今卽殘碑就

殿本校之周禮自王人注壁男不言之者闕耳起至匠人注其崇三尺牆厚止其有異同者經注共得二百四十二科公羊自桓六年經乘也孰謂州公也起至桓十五年經公會齊侯止其有異同者經注共得二十六科謹錄之以裒柳東之闕侯以審定焉

洪文敏謂蜀石經字體清謹有貞觀遺風南宋時猶存宋儒引經並據此本與小字本岳珂本往往相合元明無僞之者殆亡於嘉熙淳祐以後也今得此周禮公羊二殘本雖窺見一斑然其有補於經學者已不少矣咸豐壬子臆

附吳敬之履敬周禮石經殘碑跋

右宋拓蜀石經周禮并注殘本孟蜀廣正中左僕射龍

門毋昭裔刻石秘書省秘書郎孫朋古書

容齋子止作朋古或都記

石經考異序作朋吉

全書共九冊十二卷經文五萬五百八字注

十一萬二千五百九十五字

見劉鏞敘

此本存第十二

卷起玉人至匠人止凡二十二葉二百六十四行注皆

夾行書第一葉下一葉經一千九百二十九字注四

千六百四十八字案郡齋讀書志云石經周禮十二卷

右偽蜀孫朋古書以監本是正其注或羨或脫或不同

至千數今以阮本校之異同之處至二百餘科其精確不移者多足訂今文之舛經文如前弱則勉阮本勉作俛其聲清陽而遠聞則於磬宜阮脫則字注文如玉人注瓚讀如餐餐阮如誤為旒人注瓦器高於此阮瓦誤凡梓人注哨頃小也阮脫哨字頃誤顧宏讀為絃絃之絃絃大也作謂聲音大也五字讀若齊人擯公幹之幹阮脫公字曾孫諸侯子孫阮脫子孫二字盧人注道近也夷長也阮誤作酋近夷長矣五字元謂悄亦掉也讀若井中蟲蛸之蛸阮悄誤蛸讀誤為改句言擊容父也父無及阮脫也父二字同強強弱上下同也阮脫強弱

二字侵之能侵敵阮脫下侵字匠人注四阿若今四柱也阮也誤屋萊地萊字屢見阮俱作萊滕文公問為國之禮於孟子阮脫之禮二字并諸野九一而節阮依孟子竄改致失鄭注之舊圭之言佳也阮佳也作珪繫也三字謂水漱齧溝也阮作蛸謂漱齧之溝七字真讀為渟謂行渟水阮渟皆作停里讀當為已阮脫當字約舉數事餘不具列至其訛誤雖亦不免然母氏据太和舊本刊石已見石經攷異序疑以傳疑不加刊削亦足昭古人之敬慎非若後世鹵莽滅裂私竄古經也阮氏毛詩校勘記譏其乖異蓋未盡然至所引晁氏之言亦多

裁合或由於參訂多人非必儀徵本意也書中翔字缺筆蓋避孟知祥諱嫌名淵世民字皆未缺筆與毛詩殘本不同當時去唐未遠書者承用舊本習於缺筆或因或改致有參差晁昭德謂尚書論語缺唐諱當是孟氏未叛以前所刻左傳不缺唐諱當是僭位以後所刻洪容齋又謂蜀石經於淵世民三字皆缺畫知唐之澤遠矣錢竹汀跋毛詩殘本亦用其說皆未深考也至其書體謹嚴筆力通勁尤可珍愛洪容齋稱其有貞觀遺風非虛美矣

附吳敬之履敬公羊石經殘碑跋

右宋拓蜀石經公羊傳并注殘本宋樞密直學士四

元均知成都時補刻皇祐元年歲次己丑九月辛卯朔

十五日乙巳畢

觀玉

全書共六冊十二卷傳四萬四千

七百三十八字注七萬七千三十七字

鐫

石刻今存者

起桓公六年至十五年止凡十九葉一百八十三行末

三行殘缺不全傳一千五百三十二字半字五注三千

五百七十三字半字五書內凡敬字殷字皆缺筆避宋

諱以阮氏所刻宋本公羊注疏校之異者廿餘科大約

與宋鄂州官本同如六年注不日不書葬者阮本日誤

月八年注天子之牲角握阮本握誤搔十一年注猶愈

於國之亡阮本猶誤稱齊鄭立纂阮本立誤之本當言
鄭阮本當誤常外未能總助諸侯阮本助誤款則與春
秋改伯從子辭同阮本春秋誤諸侯十三年注必出萬
死而不奔北阮本北誤此明見伐者為主阮本伐誤我
鄂本與此本皆同阮氏稱鄂本最為精美以此本互校
之益知宋刻可貴矣然元均所刻僅據當時善本已非
太和之舊雖校寫精案終不及蜀刻周禮之能存古本
也蜀石經亡於南宋之末故元明諸儒無言及之者惟
曹能始四川名勝志稱石經禮記有數段在合州賓館
今亦無聞

國朝黃松石嘗得毛詩二南邨風雨卷厲樊榭金謝山
丁龍泓諸人皆為賦詩後歸黃堯圃又佚去周南十一
篇及鵲巢序王述菴金石萃編記之甚詳惟於其異同
處輒加訾議殊乖蓋闕之義陳芳林得左傳昭二十年
殘文僅六百餘字後歸梁茝鄰錢竹汀嘗獲見兩本歎
為衰年樂事此二本合共一萬一千六百八十二字宋
紙裱界氈墨精良淳古可愛前後都無題識不知舊藏
誰家自宋迄今幾及千載歸然不朽誠希世之珍也
十一年注本當言鄭突

殿版同十三年明見伐者為主

殿版亦同阮本當作常伐作我當別有所據

補劉楚楨寶楠釋穀考

楚楨明府博極羣書實事求是曩京屬與余過從甚密講
究六書益相得道光丙午余南旋濶別六載矣比來京屢
念未得見越辛亥臘月明府忽因公來過訪得叙前歡并
出所著釋穀四卷質證余留覽數日見其博辨精詳蒐討
靡遺以役於年事未暇細檢羣籍略就鄙見校栞一二補
埒于未未悉有當於高明否咸豐二年穀日識

米謂之梁下引廣志有黑格雀稟不粘之米用以飼雀按
吾閩南安有黑穀一種米色全黑其性涼其質粘其價比

紅白二米皆貴亦是禾之嘉者與廣志所載用以飼雀當別一種

移秦禾也下云移秦禾名義未詳案移蓋禾之大者禮表記衣服以移之注移猶廣大也郊特牲以移民也注移之為言羨也通為侈韓詩外傳幾廉倚趺謂之移莊子庚桑楚披然曰移是注是無常在故曰移又為侈周書作雝解設移注承屋曰移又為侈儀禮少牢饋食禮被錫衣移袂侈侈移皆假移為之移本禾名為禾之大因而假為屋之大曰侈衣之大曰移也秦當是禾之美劉熙釋名釋州國秦津也其地衍沃有津潤也宋玉風賦離秦衡注秦香艸

也籀文从秝作秦說文秝䟽適也廣雅秝䟽也䟽適則有
美意詩螭首為貌之美禮榛栗為果之美凡物美則盛故
秦亦有盛美詩桃夭其葉蓁蓁傳蓁蓁至盛貌廣雅蓁蓁
盛也無羊室家漆漆傳漆漆衆也箋子孫衆多也考工記
稟氏允臻其極漢書禮樂志四極爰轉王吉傳福祿其轉
凡从秦聲得義為美為盛則禾之美者名秦也

東謂之穰下云今世麥皆穰之為粳其舂米炊飯則久失
其節度矣案今吾閩猶以麥為糜為飯古制猶存

一粒曰皂下引史正義糲麤米也案李登聲類糲粃米不
碎淮南精神訓糲梁之飯注粗也正與守節麤米之訓悉

合

凡米碎曰糠下引廣雅糜饘也案糜糝也黃帝初作糜爾雅釋言注粥之稠者曰糜字亦作糜禮記問喪鄰里為之糜粥

陳臬曰糲下案當補米精曰精一條說文精糧也莊子天道鼠壤有餘精司馬注粒也廣雅精饘也離騷懷椒糈而要之注精米所以享神也山海經南山經凡雒山之首精用稌米史記日者傳不見奪精注卜求神之米也則精為米之精者

稽橐下引鄭注禮器云穗去實曰稊禹貢三百里納稊服

今禹貢作結服結韎同案吾友陳氏與曰禹貢三百里納
結服結服二字連文得義斷去其橐又去其穎謂之結帶
桴而言謂之結服僞孔傳結橐也服橐役也誤以詩之未
役解書之結服蓋禹貢言穎生民言莖結者實也結服者
橐之皮也禾者苗也禾役者橐之皮也陳說善矣而其義
未明謂結服為橐之皮則似結服便是粟粟外更無皮也
謂禹貢言穎則似單指所去之穎為結其帶桴者乃是結
服然結自連其橐言之說文結禾橐去其皮祭天以為席
也結禾橐三字是正訓去其皮祭天以為席者乃申言結
去其皮祭天可以為席也去皮即去橐之皮與鄭注尚書

總去實曰鞣而不相妨實嘉穀之實也去實猶言去其穗
之稟耳去實則本因去實之稟而并去其皮耳鄭主解經
故以去實為言許主解字故以去實為言禹貢納秸服自
是去實未去皮然無有不兼稟者考漢書地里志三百里
夏服師古亦曰夏稟也夏秸同秸自帶其稟謂斷去其稟
又去其穎則是以稟之未脫糠為秸服而稟與穎皆不復
存矣秸服與詩禾役其義自別偽孔解服與役同固失之
而陳謂不可解書之秸服而可以證詩之禾役亦未為得
毛傳役列也列即梨之假借字廣雅黍稷謂之梨廣韻穰
禾莖黍禾之莖通稱穰亦通稱梨說文引三家詩禾役穰

穗作禾穎穗穗或作采穗則役自帶穗而言禹貢秬服
是謂已刈之禾指在地者也生民禾役是謂發生之禾指
在田者也在田在地有兼穎不兼穎之分則未有不兼稊
者

粟謂之秀下案詩實秀毛傳不榮而實曰秀本爾雅釋艸
以上文實發推之發謂盡發言極畝之中苗并發也實秀
正禾作采之時管子夫粟內甲以處中有卷城外有兵及
內甲謂米也卷城謂稭也兵及謂芒也然則禾秀正是成
稭作芒米處穀中將成實故下文卽繼之曰實堅實好

雖本曰秬下案詩實方實苞實種實襄傳苞本也種雖秬

也卽雖本之義本謂因苗之本此後稷剛田之制漢書食
貨志後稷始剛田以二耜為耦廣尺深尺曰剛長終晦三
剛一夫三百剛而播種於剛中苗生三葉以上稍壯耨隴
草因隤其土以附苗根此其義也管子五行篇苗足本尹
注足猶擁也亦其義雖種與莊子雖腫義無涉正義誤引
之以解為充肥之貌而陸德明釋文作襍種則又因箋生
不襍而誤也傳言苞為本雖為雖種正與說文籽雖本之
義合

黍相箸曰黏黏黏黏黏也案廣雅釋詁黏黏也黏下
當補秣字

秬黑黍下案秬本黑黍大名以秬中之一稭二米者為釀
曰秬故篆作𥽿說文秬一稭二米同爾雅而鄭注甞人作
秬如黑黍一秬二米者稭為穀皮之通稱而秬則一稭二
米之專稱其實秬亦稭也秬玉篇作秬

麋稭聚稭稭下案一切經音義引說文似黍而不黏者關
西謂之麋也則黍之不黏者為麋其黏者專名黍也蒼頡
篇稭大黍也穆天子傳稭麥百載則稭當為大黍

稭別曰稭莢下案稭通作稭夏小正時有見稭始收傳稭
者所為豆實稭當即稭稭之稭若作柳稭之稭則何以為
豆實

稷粟秫下案說文秫稷之黏者或省未作朮齊民要術
引孫炎曰秫黏粟也許君曰黏稷而孫郭曰黏粟者粟為
諸穀總名說文稷嘉穀實也猶之穀為大名月令農乃登
穀鄭注黍稷之屬於是始孰是黍稷皆得通稱穀亦得通
稱粟也秫為稷之黏亦為稻之黏廣雅秬稷也秫稷也泥
勝之種植書三月種秬稻四月種秫稻晉書陶潛傳五十
畝種秫五十畝種秬江東皆呼稻米為秫米是皆以秫稻
之名也秫為黏者通稱故稻稷之黏皆為秫今北方謂高
粱之黏者曰秫秫亦曰胡秫是卽所謂黏稷也

楚謂之麴下案說文麴餅籩也方言歠麴也齊右河濟曰

歠廣雅𦔁𦔁謂之𦔁易林賁之震甘樂𦔁𦔁據此當補餅
篇謂之𦔁𦔁𦔁謂之𦔁兩句又釋名𦔁麥曰𦔁𦔁亦𦔁也
𦔁熟則𦔁壞當補𦔁麥謂之𦔁一句

菽大豆荅小豆下案廣雅荅下有天豆雲實也當補雲實
天豆四字菽本作𦔁說文𦔁豆也亦作菽左昭十七年傳
季平子賦采叔晉語秦穆公宴公子重耳賦采叔莊子列
禦冠食以芻叔三公山碑叔粟如火字皆作叔春秋說題
解菽者屬也春生秋孰理相屬也考異郵菽者稼最強者
也漢書五行志菽艸之難殺者也凡豆析言之大曰菽小
曰荅苗曰藿統言之則皆曰菽詩生民藝之荏菽禮記月

今食菽與雞穀梁莊二十一年傳戎菽也爾雅戎菽謂之
荏菽皆謂大豆詩閟宮植穉菽麥小明采蕭獲菽春秋定
元年隕霜殺菽左成十一年傳不能辨菽麥皆兼大小豆
詩七月亨葵及菽陸氏釋文菽藿也小宛中原有菽傳菽
藿也采菽采菽傳菽所以芼大牢皆謂豆葉鄭注公食大
夫禮藿豆葉也而爾雅藺鹿藿郭云今鹿豆也藿藿同自
指豆名言與豆苗之藿異義又案荅說文小赤也字不見
於經史記貨殖傳藁麴鹽豉千荅荅卽小豆漢書荅作合
者相配耦之言耳蓋誤周禮掌客注秬秠麻荅字誤作荅
泉麻下案月令食麻與犬以犬嘗麻周禮籩人饔飧並用

故穀亦列麻說文米部米泉之皮莖也讀若黠林部林葩之總名也林从二木會意蓋祀泉之名此下當補米泉之皮莖也林葩之總名也二句

生泉蕉案說文𦵏未練治纒也廣雅𦵏綃也謂生絲此下當補未練治纒𦵏五字

米雕胡安胡雁膳下案苽其米雕胡俗名茭中莖其根亦曰葑淮南天文訓大旱苽封燠封即葑之省當補其根葑三字

後孰重先孰稊案周禮內宰種稊之種干寶注稊穀黍稷之屬是以陸訓稊越語五穀曰孰注稊和也則又以睦訓

稭

稭稻下案春秋說題解稻之為言藉也稻澇同音故以澇為訓

擇麥謂之穉麥下引說文段注穉即熬之異字按穉作熬亦作穉內則稱穉注生獲曰穉